

liberalitate autem tua hoc possum dicere vix illi parem orationem inueniri posse, nam si Regium ararium manubys ostium Auro Minico Gaza Indica, atq; totius orientis opibus tibi refertum esset, ita largiendo exhaustum, ut tibi reliquum nihil feceris. Donas enim tuis donas exteris, & quidem cotidie, nec enim minus quam Titus Imperator diem te perdere existimas, in quo nihil mercedis cui quam prestitisse scis, quis enim est ex tuis aut exteris qui hanc munificentissimam Principis liberalitatem non sit expertus. De gloriosis autem pugnis, et de difficilimis belli eventibus in quibus victoria magna per maiores tuos feliciter Hispania parta sunt deq; fortissimorum militum, et inimicorum Ducum, exercitibus per tuos devictis Castellisq; Regibus ab eorum incursum liberatis, non est cur dicam, ubi tot tantaq; authentica historia, & authores ad sunt qui id non sine magna gloria, ac laude feliciterq; hoc munus, sibi arripiunt. Tota Hispania beneficia in se a maioribus tuis collata, usq; in hodiernum diem congratulatur Pijq; catholici, et invictissimi ipsis Hispania Reges te ac maiores tuos coniunctos stricto amoris sanguinis, & fidelitatis ligamine habuerunt. Deniq; nulla est virtus, nullus animi egregius mos, nullus virtutis splendor quo, Princeps magne, non effulgeas, et nitaris literarum ornamentis candoreq; instructus sis. Scientiarum et eloquentiae fautor existis, legum professoribus dulce iubamen, decus, et praesidium. Quam obrem tua humanitate, et clementia fretus tractatum de Expensis et meliorationibus a parente meo cognitum auctumq; meis scholis, et multo magis emendatorem ei, ad iunctis primis meorum studiorum fructibus, scilicet tractatus de Donatione remuneratoria, de Tacito fideicomisso, de Hypotheca post contractum, de Coniugali acquasitu, quos parens meus morte praeventus inceptos reliquit. Meo autem labore, et diligentia qua potui ad finem perduxim, non tam propria laudis avidus, quam parentis mei gloria & honoris cupidus tibi dedico. Accipe igitur excellentissime Dux paruum munusculum, quod magnam omnibus sub tuo praesidio videri poterit, & tutissimum erit a Zoyli invidia speroq; in dies magis aliqua depromere qua tibi non tam temere dicar possint Nestoreos annos, & Sybilla longa secula vibas precor. Vale.